



**Forum Competens Quæstionibus ex Universo Jure
selectis, atque ad praxin utilissimis illustratum, Seu
Tractatus Canonico-Civilis**

Friderich, Melchior

Ingolstadium, 1709

§. III. Utrum reus ad locum Delicti remittendus sit?

[urn:nbn:de:hbz:466:1-61662](#)

illa in eum procedere, quæ nostris legibus definita. De qua citatione edictali fusè Boss. tit. de Foro comp. n. 46. & tit. de Citation. n. 20. Socin. in C. Postulasti de Foro comp. à n. 4. Gail. L. I. obs. 56 & 57. Hæc de Jure scripto procedunt. De consuetudine contrarium observari testatur Carpz. p. 3. præt. crim. c. 110. n. 47. & in loco delicti commissi causam criminalem adversus reum etiam absentem agitari, etiamsi citatio præsenti non sit insinuata, cum Judex delicti per subsidium hujus jurisdictionis ex delicto quæsitæ absentem, ubi deprehenditur, vel si latitat, edicto publico in tribus diversis trium dominorum territorijs affixo, citare, & adversus non comparentem ad bannum procedere soleat.

S. III.

Utrum reus ad locum delicti remittendus sit.

SUMMARIUM.

145. De Jure Communi remittendus est reus ad locum delicti.
146. Non item de Consuetudine: nisi pacta inter Dominos territoriales aliud exigant.
147. Mittere Reum tenetur Judex loci delicti ad Superiorem, si non habet potestatem infligendi pœnam commensuratam delicto.
148. De Jure scripto Judex, qui nullam in Reum jurisdictionem vel ratione domicihi vel delicti continuati habet, non potest Reum remittere ad locum delicti.
149. Potest tamen de consuetudine. Imò vi hujus proceditur per viam Inquisitionis adversus facinorosos eo loco, ubi reperiuntur. Cui Consuetudini favent etiam leges.
150. Dummodo in loco, ubi Reus reperitur, crimen sit notorium aut facile probari possit.
151. Ut remissio fieri possit, Judex remittens indicia de crimine ab hac persona commisso habere debet.
152. Remissio locum non habet in criminibus levioribus, & gravibus, de quibus agitur solum civiliter.

153. Facienda est expensis Judicis eam petentis, si nec Reus nec Accusator est solvendo.

154. Reus captus & remissus à non habentibus potestatem in pristinum statum restituendus est.

155. Declaratur, quomodo procedendum sit, si Reus commisit plura in diversis territoriis delicta, & ab uno Judice detinetur.

156. Judex domicili contra Reum procedere potest, si Judex delicti, ad quem fuit remissus, sit negligens in puniendo.

145. Remitti delinquentem debere ad locum delicti, si Judex requirat, communis est DD. sententia, ut testatur Marian. in C. postulasti de Foro comp. n. 15. Felin. in C. ult. eod. n. 9. Covarr. c. 11. pract. n. 6. Clar. L. s. sent. §. fin. q. 38. n. 19. Patet ex auth. qua in provincia V. insuper & is. C. ubi de crim. agi oport. Novell. 60. c. 1. & Novell. 134. c. 5. L. 3. ff. de re milit. L. 28. §. 15. ff. de pœn. L. 7. §. 4. & L. fin. ff. de accusat. C. 1. de Raptor. quibus à Carpz. in pract. crim. p. 3. q. 110. n. 49. malè additur C. ult. de For. comp. & Can. 19. 2. q. 1. Ratio statuendi hanc remissionem erat, tum quod certiores probationes in loco delicti habentur Novell. 69. c. 1. §. 1. tum quod nihil durius est, ut ibid. dicit Imperator, quam læsum circa sublationem bovis aut equi cogi non in qua aufertur provincia litigare, sed alio currere, ubi videlicet fur domicilium habet: tum denique, quod melius satisfit territorio laeso, aliquique ab eo lœdendo magis abstinentur, si ibi plectatur reus.

146. Verum hæc remittendi necessitas consuetudine sublata est, uti post Cyn. Bart. Bald. Panor. ac alios testantur Clarus l.c. n. 20. Farin. prax. crim. L. 1. tit. 1. q. 7. n. 28. Rumel. ad aur. Bull. 2. dissert. 1. concl. 10. Gaill. L. 1. de pac. publ. c. 16. n. 30. Matth. Stephani L. 1. de Jurisd. c. 30. n. 13. Thom. Michaël de Jurisd. concl. 91. lit. B. Carpz. l.c. n. 53. Hinc necesse non est varias, quæ circa obligationem remittendi à DD. agitantur, quæstiones hic proponi. Remitti tamen delinquentes ferè solent ex urbanitate & remissione precaria sub antigrapho seu literis rever salibus auff einen revers und Gegenbekandnuß / quod remissio non debeat

debeat præjudicare remittenti, & quod Judex loci delicti in casu simili, si requiratur, idem sit facturus. Gaill. l. c. n. 31. Mattht Steph. l. c. n. 17. Besold. V. Läfferung der *Maleficanten*, Knipschildt L. 2. de *Jure Civit. Imper.* c. 5. n. 46. Idem quandoque fit ex pacto inter vicinorum territoriorum Judices initio. Illud hic notandum est, dum ajunt DD. de consuetudine non dari obligacionem remittendi, eos solùm ferè loqui de Judicibus, qui non sunt sub eodem Principe. Unde Clarus l. c. n. 21. ait, remissionem etiam hodie faciendam esse, si uterque Judex, videlicet tam is, qui postulat, quam qui postulatur remissionem, sit sub eodem Principe. Bart. tamen aliisque, quos allegat Covarr. cit. c. 11. n. 10. afferunt, remissionem non fieri etiam in locis, quæ Imperatori sub sunt, id est, inter eos, qui sub eodem sunt Principe.

147. Etsi verò, ut modò dictum est, remittendi necessitas consuetudine abrogata sit, excipiendus tamen est casus, quo Judex, qui alias vel de jure vel de consuetudine delinquentem puniendi jus haberet, est inferioris potestatis, ac cognoscit, delictum mereri poenam, quam ipse non possit infligere: remittere enim tunc reum debet ad Superiorem, etiam non requisitus, uti patet cum ex L. 1. § 7. C. de *Defens. civit.* tum ex eo, quia alias crima manerent impunita.

148. Circa illos quoque casus, quibus non datur obligatio remittendi, adhuc controversum est, an à quovis Judice remissio fieri possit; item quomodo facienda sit. Itaque dubitatur I. An tantum ille Judex possit remittere, cui delinquens, qui ex loco delicti abiit, est subjectus ratione domicilij, aut delicti continuati, v.g. quando fur cum re furtiva huc venit, aut raptor cum foemina rapta: an verò Judex quicunque, cui delinquens subjectus non est. Hoc posterius affirmant Panorm. in C. ult. de *Foro comp.* n. 6. Covarr. l. c. n. 6. Clar. cit. q. 38. n. 22. Perez ad tit. C. de exhib. reis. Fachin. L. 9. contr. c. 22. ubi tamen requirit, ut Judices sint sub eodem Principe. Illud prius tenent Butr. & Felin. in cit. C. ult. Bossius in *pract. crim. tit. de For. comp.* à n. 25. ubi testatur

testatur de communi, & consuetudine firmatam asserit Farin. l. c. n. 28. Decian. tr. crim. L. 4. c. 19. n. 2. ac alij. Hæc opinio Juri conformior videtur: nam C. i. de privil. in 6. dicitur, exemptum, qui alioqui de jure remittendus esset ad Judicem, qui de inquietem remitti petit, non posse remitti à Judice ordinario, qui ratione exemptionis nullam in ipsum jurisdictionem habet. Quæ ratio est generalis, & procedit de omni eo, in quem jurisdictionem non habet Judex, qui remissionem postulatur. Accedit, quod qui vult remittere, debet detinere personam delinquentis & remittere actu ipso, vel citare & jubere, ut compareat coram Judice remissionem petente. Sed isti actus sunt jurisdictionales, qui exerceri nequeunt, nisi in subditos. Nec valet, quod dicit Perez, Judicem delicti videri alteri dare jurisdictionem ad custodiendum & remittendum reum: non enim appetet, quodo possit dare jurisdictionem pro territorio, pro quo ipsem non habet.

149. Verum quidquid sit de Jure scripto, consuetudo favet priori opinioni, ut testatur Clar. l. c. & passim à quovis Judice remittuntur. Imò hodie ex officio per modum Inquisitionis adversus facinorosos proceditur eo loco, ubi reperiuntur, teste Carpz. l. c. n. 71. Harprecht. ad §. 5. Inst. de oblig. quæ ex delict. n. 85. & Berlich. p. 5. concl. 45. n. 46. Umm. cit. diss. 4. th. 2. n. 11. post Paul. Castr. in L. 10. §. tamdiu ff. de condic. furt. n. 13. Cui praxi favet textus L. 1. C. ubi de crim. Quæstiones (inquit Impp.) eorum criminum, quæ legibus, aut extra ordinem coercentur, ubi commissa vel inchoata sunt, vel ubi reperiuntur, qui rei esse prohibentur criminis, perfici debere satis notum est. Sunt quidecim non pauci, qui cum Accurs. & Bart. per locum, ubi reperiuntur, intelligunt duntaxat locum domicilij: alij cum Barbosa in L. 19. §. proinde de Judic. rubr. de foro delicti n. 11. legem solum intelligunt de Vagabundis; hi enim cum ubique forum sortiantur, ibi, ubi reperiuntur, puniri possunt. Verum hoc bene refellunt Donell. L. 17. c. 16. lit. f. aliisque, quos ibid. allegat Hillig. & Berlich. l. c. cum textus sit universalis, nec distinguat inter per-

sonas delinquentes, neque mentionem domicilij faciat. Faver insuper text. L. 3. ff. de offic. præsid. ibi: *nec distinguitur, unde sint.* Quin fatetur ipse Decianus. l. c. n. 1. cum alijs, quos allegat, si non petatur remissio, posse reum ibi, ubi reperitur & capitul, puniri. Si puniri potest, à fortiori poterit remitti. Idemque n. 4. cum Bart. admittit, remissionem faciendam esse etiam à Judice nullam in reum jurisdictionem habente, si tam ipse, quam Judex delicti, qui remissionem petit, sint sub eodem Principe, cum uterque curare debeat, ut Principis sui territorium facinorosis hominibus purgetur. Illud absque controversia verum est, quod idem Decianus addit, inferiores Judices Principi, cui subjecti sunt, jus cunctandi habenti & remissionem petenti, hanc facere debere, esto nullam ipsi ordinariam in reum jurisdictionem habeant.

150. Ex eo porrò, quod remissio fieri non solet, ac, ut cum multis sentit Barbosa l. c. n. 7. & Oliva p. 3. For. Eccl. q. 20. n. 19. nec fieri potest, nisi petatur, confirmatur praxis reum puniendi ibi, ubi repertus fuerit: alias enim crima cum magno Reipublicæ & privatorum damno manerent impunita, & sceleratis ansa daretur liberè in bona ac vitam innocentum grassandi, & sic dicendum foret, quod absolutè & audacter asserit Fachin. L. 9. c. 23. consuetudinem non remittendi esse irrationalis & nullius momenti. Benè tamen observat Brunnen. in cit. L. 1. n. 20. tunc solum in loco, ubi reperitur, puniendum esse facinorosum, si crimen sit notorium aut facile probari possit; secùs remittendum esse ad locum delicti. Cæterum hanc facultatem procedendi contra reum, ubi repertus fuerit, multi cum Deciano cit. L. 4. c. 16. n. 2. solum tunc concedunt, quando accusator adest; negantque ex officio & per inquisitionem procedi posse. Imò idem de Judice domicilij, non posse videlicet ab ipso per viam inquisitionis procedi contra subditum ob delictum alibi perpetratum, asserunt cum compluribus Roland. L. 2. consil. 19. n. 20. Menoch. L. 1. consil. 2. n. 130. Barbosa ad L. hæres §. proinde rubr. de foro delict. n. 27. qui tamen n. 118. fatetur, quod ex generali

Q

nerali consuetudine Judex possit procedere per inquisitionem, eo quod consuetudo remedium inquisitionis fecerit tam generale ac ordinarium, quam est remedium accusationis, ut Clarus ait *l. c. q. 3. n. 6.* Videantur, quae dixi supra *n. 107.*

151. Dubitatur II. An Judex requisitus debeat aliquam causae cognitionem prius facere, antequam remittat. Affirmant Card. Panor. Marian. ac alij apud Decian. *l. c. n. 15.* & Covarr. *cit. c. 11. n. 8.* Negant Gomez. *c. 1. de delict. n. 87.* citans Bart. Albert. & Angel. Covarr. *l. c.* ubi priori opinioni praxin adversari ait, & Clar. *l. c. n. 19.* ubi hanc dicit communiter receptam. Distinguendum esse videtur cum Deciano: nam facienda non est cognitio, si requisito Judicii constat ex fama de delicto per hunc, qui petitur, reum commisso; aut si scit, illum contumacem fuisse coram Judice remissionem petente, quia talis contumacia facit presumptionem delicti contra reum, ut notat Bart. *in cit. L. 1.* aut denique, si Judex requirens testetur, se informationem de criminis & de reo jam habere. Si nullam hujusmodi notitiam Judex requisitus habeat, cognoscere prius de causa debet, ne forte innocens in vinculis remissus ex hoc infamiam injustè patiatur. Necesse tamen non est, ut aliquem processum & inquisitionem instituat, si absque ea habeat probabilem notitiam tum delicti à tali persona commissi, tum commissi in territorio requirentis. Et quamvis hujus assertioni non teneatur credere, nisi Superior ipsius sit, ac propterea informationem de criminis & delinquenti facere prius possit, ut notat Decian. *l. c.* non tamen videtur ad hoc teneri, sed niti posse fide Judicis, qui requirit, asseritque, se de criminis & criminoso informationem pro captura sufficientem habere: nisi contra afferentem forte staret presumptionis.

152. Dubitatur III. An in omnibus criminibus locum habeat remissio. Negat communis DD. apud Panor. *l. c. n. 15.* Covarr. *l. c. n. 7.* Clar. *l. c. n. 23.* remissionem permitti in levi-ribus, etiamsi criminaliter agatur; nec etiam in gravioribus, si agatur solum civiliter. Ratio prioris est, quia finis remissionis

ad

ad locum delicti est, ut ibi sumatur vindicta, ubi datum est scandalum & damnum, ut alij absterrentur, & læse Reipublicæ satifiat: quæ ratio non ita urget in levioribus delictis. *Arg. L. 3. pr. ff. de re militari.* Ratio posterioris est, quia in causis civilibus non permittitur remissio: ergò nec in illis, quæ civilibus comparantur. Cujus ratio ulterior est, quia non fit remissio nisi ad puniendum, ut patet ex juribus n. 145. adductis: at cùm civiliter agitur, non intenditur punitio. Accedit, quòd quando de criminie civilis instituitur actio, crimen contractus nomine continetur, ac propterea forum cum contractu commune habet. *Donell. L. 17. e. 16. Umm. disp. 4. ad process. jud. th. 2. n. 8.* Videtur quidem dicendum, quòd remissio locum habeat etiam in levioribus criminibus, tum quòd leges, quæ remissionem statuunt, generaliter loquuntur; tum quòd etiam per leviora forum acquiritur. Sed obstat praxis, ut notat *Oliva p. 3. for. Eccl. q. 20. n. 49.* & leges remissionem præscribentes loquuntur de criminibus: at *criminis* verbum propriè gravius delictum denotat, ut ex *L. 17. §. 18. ff. de ædil. edict.* colligit *Wesenbec. in parat. C. ubi de crim.* Quanquam ex *L. 131. ff. de V. S. constat, crimen & delictum quandoque confundi.* Locum demum non habet remissio in delictis privatis, ut volunt *Zanger. p. 2. de except. c. 1. n. 201.* & *Carpz. L. 2. Jur. Elec. resp. 26. n. 19.* ubi malè allegat *Novell. 134. c. 8.* & *L. 1. pr. ff. de re milit.* malè item *Clarum & Farin.* cùm isti loquantur de criminibus levioribus: potest autem etiam delictum privatum, v. g. rapina aut furtum, esse grave.

152. Dubit. IV. Cujus expensis facienda sit remissio. Faciendam esse judicat *J. Faber in L. un. C. de off. procons.* expensis ipsius remittentis, sicut etiam suo periculo debet remittere *juxta Novell. 134. c. 5.* Communis tamen opinio apud *Farin. cit. q. 7. n. 39.* tenet, periculum quidem pertinere ad transmittentem, si aliquam culpam committit non adhibendo debitam custodiam; expensas verò faciendas esse à petente. *Quod tamen aliqui benè limitant, dicendo, tum demum expensis pe-*

Q. 2

tentis

tentis esse faciendam, quando nec delinquens nec accusator ei solvendo: ex istis enim ille primo loco tenetur, hic secundo & in defectum prioris, nisi reus sit innocens.

154. *Dubit. V.* An si delinquens ex territorio, ubi delinqvit, fugit ad aliud, & ibi captus est non à Judice competente, sed à privatis, & remissus vel reductus est ad locum delicti, ibi judicari ac puniri possit. Negandum est cum Bald. Salic. Ca. poll. ac aliorum communi, quam referunt Clar. l. c. q. 96. n. 6. Farin. cit. q. 7. n. 40. Gomez. tom. 3. var. tit. de capt. reor. n. 5. ubi id fusè probat. Debet igitur talis reus relaxari & poni in pristinum statum ac libertatem, arg. L. fin. ff. de jurisd. L. qui fugitivus §. item Celsus. ff. de Ædil. edict. L. à divo Pio §. sententiam. ff. de re jud. quia illi, qui comprehendenterunt, non habuerunt jus auferendi libertatem: ergo tanquam injustè spoliatus ante omnia est restituendus. Accedit, quod juxta cit. Novell. 143. c. 5. ad jus remissionis requiritur, ut reus petatur à Judice, & ab hoc remittatur: ergo non potest peti à privatis, nec à privatis remitti. Idem dicendum est, quando ministri Justitiae, qui in loco delicti vel domicilij reum capere quidem jure possent, in eo tamen non capiunt, sed in alieno territorio: censentur enim tunc esse privati, & relaxari reus debet: exceptis casibus, quos retulimus suprà n. 54.

155. *Dubit. VI.* Quid agendum sit, si quis commisit plura delicta in diversis territorijs, & ab uno Judice detinetur propter unum delictum, ac ab altero petitur propter aliud delictum. Ubi viget consuetudo puniendo reos, ubi fuerint reperti, etiam propter delicta alibi patrata, de qua suprà n. 149. res ista difficultatem non habet; non enim concedetur remissio, sed punietur reus eodem loco propter utrumque delictum. Seclusa verò ista consuetudine distinguendum est inter varios casus. Nam si poenæ utriusque delicto correspondentes sunt compatibilis, ita videlicet, ut unâ jam inficiâ infligi adhuc possit altera, & una poena est mitior alterâ, priùs ille judicabit & puniet, in cuius territorio

ritorio minus delictum commisum est, & idcirco ad eum facienda est remissio, ac postea reus ad alterum Judicem pro majore delicto puniendus mitti debet, cum à mitiore poena incipientum sit. Si utrumque delictum & poena æqualia sunt, ille prius cognoscit & punit, apud quem detinetur reus. Si denique poena sunt incompatibilis, v. g. si utraque est capitalis, pariter procedit ille Judex, à quo reus detinetur. Ita communis apud Haunoldum *tom. 6. de Just. tr. 1. n. 92.* Quin in tali casu infligi debebit poena utriusque delicto correspondens, si is, qui punit, vindicare potest delicta alibi commissa, uti potest Judex domicilij, & de consuetudine etiam alij, in quorum territorio deprehenduntur rei. Ratio est, quia delicta non debent manere impunita; quod fieret, si poena infligeretur uni solum delicto respondens.

156. *Dubit. VII.* An Judex domicilij contra reum possit procedere, si alter, ad quem fuit remissus, sit morosus & negligens in puniendo. *Affirmant post Bart. & Alex. Decian. l. c. n. 27. Farin. l. c. n. 23.* eò quodd delictanōn debeant manere impunita. Hinc negant, posse à Judice delicti opponi remissionem & litis pendentiam. Ob paritatem rationis idem dicendum videtur de Judice delicti respectu Judicis domicilij. Addit Alex. in *L. de die. §. fin. ff. qui satis d. cog. n. 8.* posse ab eo, qui remittit, Judici remissionem petenti præfigi terminum, intra quem expediatur causa; secūs se processurum contra delinquentem.

S. IV.

*Quis sit Judex competens, si delictum in uno
loco inchoatum, in altero consummatum fuit.*

SUMMARIUM.

157. *Multiplex status questionis proponitur.*

158. *Utriusque territorij Judex est competens, si delictum in uno
inchoatum, in altero consummatum fuit respectu tam agentis,
quam patientis.*

159. *Aut etiam solum agentis aut patientis.*

Q. 3

160.